



Rapport da quartal davart ils animals da rapina gronds 1 – 2025

Tut las indicaziuns stadi dals 31 da mars 2025

Luf

Triep

Actualmain èn confirmads otg trieps da lufs entaifer il chantun e dus trieps transcunfinals. D'in triep mancan las infurmaziuns, sch'el exista anc suenter la regulaziun u betg.


Suenter la perioda da regulaziun 2024/2025 è sa confermà fin la fin dal 1. quartal 2025, ch'en ils territoris dals trieps da lufs anteriurs Fuorn e Vorab n'èn preschents pli nagins animals.



Amt für Jagd und Fischerei Graubünden
 Uffizi da chatscha e pestga dal Grischun
 Ufficio per la caccia e la pesca dei Grigioni

Wolfsrudel in Graubünden Trieps da lufs en il Grischun Branchi di lupi nei Grigioni

Stand: 31. März 2025



Pèrs da lufs

Durant il temp da chalira il 1. quartal 2025 èn en pliras regions vegnids constatads pliras giadas pèrs da lufs che occupan ensemen in territori. La furmaziun d'in triep durant il 2. quartal 2025 è perquai pussaivla en questas regions. Pervia da las cundiziuns plitost levas da l'enviern èn vegnids annunziads resp. chattads cleramain damain animals selvadis stgarpads ch'en l'onn precedent. Quai ha er manà a main infurmaziuns geneticas.



Scanvetg dal nord / Partenz dal sid

En il territori dal Scanvetg dal nord e dal Partenz dal sid è vegnids observads durant il 1. quartal 2025 pliras giadas dus lufs. Il mars è las observaziuns sa concentradas sin il Scanvetg dal nord. En il Partenz, da la vart dal sid da la Landquart, hai medemamain dà duas cumprovas da dus lufs da questa regiun. Quai lascha supponer ch'i sa tracta d'in pèr che populescha questa regiun. Pervia da la vischinanza al territori dal triep regulà dal Corn da Lantsch e pervia da pussaivladads d'exclusiun geneticas mancantas na poi dentant fin ussa betg vegnir ditg senza dubi, ch'i sa tracta d'in nov pèr da lufs.

Muntogna da Schons e Mantogna

Suenter avair sajettà l'october 2024 in luf d'in pèr da lufs en il territori da la Muntogna da Schons e da Mantogna è vegnì observà paucas emnas pli tard danovamain in pèr da lufs en quest territori. Quai è resortì cun pliras stgarpadas d'animals da niz en vischinanza dals abitadis ed en curts libras durant il tard atun 2024 e la primavaira 2025.

Mesauc central

En il territori enturn la vischinanza da Lostallo è vegnids observads pliras giadas dus lufs durant il 1. quartal 2025. Il pèr da lufs na tutga betg tar il triep da Moesa, che viva en il Mesauc dal nord.

Mesauc dal sid

En il decurs da l'onn precedent è vegnids cumprovads pliras giadas dus lufs en il territori da cunfin cun il Tessin tar Roveredo, che nizzegian ensemen il territori. Il 1. quartal dal 2025 hai dà cumprovas mo dad in luf. Tenor il stadi actual n'èsi betg cler, sch'in pèr da lufs è qua en gir en il territori da cunfin u betg.

Engiadin'Ota

Anc adina giran enturn dus lufs en l'Engiadin'Ota. Els vivan en il territori tranter Brail e Samedan. I sa tracta dal medem pèr ch'è gia vegnì observà l'onn precedent en il territori.

Engiadina Bassa

Er en l'Engiadina Bassa hai dà durant il 1. quartal 2025 diversas cumprovas d'in pèr da lufs. Durant quest temp è el sa mussà cunzunt tranter Scuol e Strada/Tschlin.

En tut ils ulteriurs territoris dal chantun ston ins far quint cun ina colonisaziun svelta da singuls lufs en las proximas emnas / en ils proxims mais. Uschia ston ins far quint en quasi tut las parts dal chantun cun lufs stabels.

Perditas

Il 1. quartal 2025 è vegnì chattà ina missella sut d'in luf dal triep dal Vorab sin il territori communal da Glion. La raschun da la mort n'è betg pli stada eruibla.

Il mars è vegnì chattà in luf-tscherver mastgel creschì mort en la Val Stussavgia. L'examinaziun da l'animal n'è actualmain anc betg serrada giu.



Sajettadas da regulaziun

Il 1. quartal 2025 è vegnì sajettà in luf en il rom da la regulaziun proactiva 2024/2025. Dapli detagls davart las sajettadas pon ins leger en il «Monitoring dal management dal luf» (www.luf.gr.ch > Fegls d'infurmaziun, publicaziuns, projects > Publicaziuns).

Donns d'animals da niz tras lufs

Il 1. quartal 2025 è vegnidas registradas duas attatgas sin animals da niz (guardar tabella qua sutvart).

1. quartal	nursas, chauras	lamas, alpacas	arments	equids	total
morts	1	0	0	0	0
blessads	3	0	0	0	0

Durant il 1. quartal 2025 n'èn vegnids annunziads a l'Uffizi da chatscha e pestga (UCP) nagins cumportaments singulars da muntaneras da muvel grond.

Lufs munids cun emetturs

Actualmain n'è nagin luf munì cun in emettur da GPS che funcziunescha. In luf dal triep da Valgronda (Surselva) porta in emettur defect.

Urs

Naginas cumprovas durant il 1. quartal 2025.

Luf-tscherver

Da favrer fin avrigl ha gi lieu en la Surselva la segunda runda dal monitoring sistematic dal luf-tscherver. Ils resultats vegnan spetgads per la fin da l'atun.

Schacal mellen

La fin da schaner è vegnida cumprovada la preschientscha d'in schacal mellen cun ina trapla fotografica en la Val Müstair. In mais pli tard è in schacal mellen vegnì registrà d'ina trapla fotografica sin il Pass dal Fuorn tar Buffalora. Sch'i sa tracta dal medem individ, na po betg vegnir ditg.



Amt für Jagd und Fischerei Graubünden
Uffizi da chatscha e pestga dal Grischun
Ufficio per la caccia e la pesca dei Grigioni

Ringstrasse 10 7001 Cuir
tel. 081 257 38 92 / fax 081 257 21 89
info@ajf.gr.ch www.ajf.gr.ch

Ulteriuras infurmaziuns

Sin sia pagina d'internet porscha l'Uffizi da chatscha e pestga sut www.luf.gr.ch infurmaziuns davart ils animals da rapina gronds en il Grischun.

Ultra da quai cumpara sin la pagina d'internet mintga mais il «Monitoring dal management dal luf» cun las cifras las pli novas davart il luf en il chantun.

Il sistem d'infurmaziun dad SMS è vinavant en funcziun. Las communicaziuns stattan a disposiziun a puras e purs, a la pastiglia, ad apiculturas ed apiculturs sco er a las autoritads communalas. Per l'annunzia èsi d'inoltrar il formular sut www.luf.gr.ch > Observaziuns > Servetsch d'infurmaziun dad SMS.

Infurmaziuns davart la situaziun dals animals da rapina gronds sin plaun naziunal chattais Vus sut KORA.ch.

Resultats genetics e cumprovas da lufs pli veglias pon vegnir consultads da la publicitad cun in retard da 90 dis sin la banca da datas online da la KORA sut www.koracenter.ch. Per questas consultaziuns èsi necessari da sa registrar sin la pagina. Pervia d'ina migraziun da la banca da datas, na vegnan las datas betg actualisadas ad interim.